

წინამდებარე ხელშეკრულება სატელეკომუნიკაციო მომსახურების შესახებ (შემდგომში „ხელშეკრულება“) დადებულია 2011 წლის 30 დეკემბერს.

ერთის მხრივ, ს.ს. „სილქნეტი“, იურიდიული მისამართი: ქ. თბილისი, წინამძღვრიშვილის ქ. #95, საიდენტიფიკაციო კოდი: 204566978 (შემდგომში „მიმწოდებელი“), წარმოდგენილი მისი აბონენტთა მომსახურების დეპარტამენტის დირექტორის ალექსანდრა ჩიქავას სახით, და

მეორეს მხრივ, სსიპ ლევან საყვარელიძის დაავადებათა კონტროლის და საზოგადოებრივი ეროვნული ცენტრი, იურიდიული მისამართი: ქ. თბილისი, ასათიანის N9, საიდენტიფიკაციო კოდი: 211324351 (შემდგომში „შემსყიდველი“), წარმოდგენილი გენერალური დირექტორის ნატო ავალიანის სახით, შორის.

(ცალ-ცალკე, „მიმწოდებელი“ და „შემსყიდველი“ მოიხსენიებიან, როგორც „მხარე“, ხოლო ერთობლივად, როგორც „მხარეები“)

1. „ხელშეკრულების“ საგანი

წინამდებარე „ხელშეკრულების“ საფუძველზე, მისი პირობების და ტარიფების გათვალისწინებით „მიმწოდებელი“ უზრუნველყოფს სატელეკომუნიკაციო მომსახურებას. „მომსახურების“ დეტალური აღწერა და „მომსახურების“ შესაბამისი ტარიფები მოცემულია წინამდებარე „ხელშეკრულების“ დანართების სახით, რომელიც წარმოადგენს ამ „ხელშეკრულების“ განუყოფელ ნაწილს.

2. „ხელშეკრულების“ მოქმედების ვადა და „მომსახურების“ გააქტიურება

- 2.1. წინამდებარე „ხელშეკრულება“ ძალაში შედის 2011 წლის 30 დეკემბრიდან და მოქმედებს 2012 წლის 31 იანვრის ჩათვლით.
- 2.2. „მომსახურების“ გააქტიურება ხორციელდება „მხარეებს“ შორის გაფორმებული მიღება-ჩაბარების აქტის საფუძველზე.

3. „მომსახურების“ ღირებულება და ანგარიშსწორების წესი

- 3.1 ხელშეკრულების საერთო ღირებულება შეადგენს 30 (ოცდაათი) ლარს დამატებითი ღირებულების გადასახადის ჩათვლით და შეიცავს საქართველოს კანონმდებლობით გათვალისწინებულ ყველა გადასახადსა და მოსაკრებელს.
- 3.2. „მიმწოდებლის“ მიერ „შემსყიდველისათვის“ მიწოდებული კონკრეტული „მომსახურების“ ყოველთვიური ღირებულება განისაზღვრება წინამდებარე „ხელშეკრულების“ დანართების საფუძველზე (შემდგომში „მომსახურების ღირებულება“).
- 3.3. თუკი სხვაგვარად არ არის განსაზღვრული შესაბამისი „მომსახურების“ დანართით, ყოველთვიური „მომსახურების ღირებულების“ გადახდა „მიმწოდებლის“ მიერ უნდა განხორციელდეს ყოველთვიურად, შესაბამისი საანგარიშო თვის მომდევნო თვის 25 რიცხვამდე.
- 3.4. „მხარეთა“ შორის ანგარიშსწორება წარმოებს ეროვნულ ვალუტაში, უნაღდო ანგარიშსწორების წესით „კომპანიის“ ქვემოთ მითითებულ ანგარიშზე გადარიცხვის გზით.
- 3.5. „მხარეები“ თანხმდებიან, რომ „მომსახურების ღირებულების“ ცვლილებები ხორციელდება „მიმწოდებლის“ მიერ ერთპიროვნულად და ცალმხრივად. ცვლილებები ძალაშია მისი საჯარო გამოცხადებიდან, ან/და „მიმწოდებლის“ ვებ-გვერდზე განთავსებიდან ან/და „შემსყიდველისათვის“ შეტყობინებიდან 10 (ათი) სამუშაო დღის შემდეგ.

4. „მხარეთა“ უფლება-მოვალეობები

- 4.1. „მიმწოდებელი“ ვალდებულია:
 - 4.1.1. „შემსყიდველს“ მიაწოდოს ხარისხიანი „მომსახურება“ წინამდებარე „ხელშეკრულებით“ განსაზღვრული პირობების შესაბამისად.
 - 4.1.2. კეთილსინდისიერად და ჯეროვნად შეასრულოს ამ „ხელშეკრულებით“ გათვალისწინებული ვალდებულებები.
 - 4.1.3. არ გაამჟღავნოს „შემსყიდველი“ პერსონალური ინფორმაცია გარდა კანონმდებლობით განსაზღვრული შემთხვევებისა ან/და როდესაც „შემსყიდველი“ დავალიანების გადახდა ხორციელდება მესამე პირთა მიერ.
- 4.2. „შემსყიდველი“ ვალდებულია:
 - 4.2.1. სრულად და დადგენილ ვადაში გადაიხადოს „მომსახურების ღირებულება“.
 - 4.2.2. „მომსახურების“ მიღების უფლების მესამე პირებზე გადაცემის შესახებ წერილობით შეატყობინოს „მიმწოდებელს“.



- 4.2.3. „მომსახურების“ მიწოდების ადგილად რეგისტრირებული უძრავი ქონების გასხვისების ან/და უძრავ ქონებაზე სარგებლობის უფლების შეწყვეტის შემთხვევაში, ერთი თვის ვადაში უზრუნველყოს „მომსახურებით“ სარგებლობის უფლების გადაცემა უძრავი ქონების ახალ მესაკუთრეზე ან მოსარგებლეზე (რომელიც „შემსყიდველს“ ჩაენაცვლება წინამდებარე „ხელშეკრულებაში“), ან/და წერილობით მოსთხოვოს „მიმწოდებელს“ „მომსახურების“ მიწოდების მისამართის ცვლილება ან „მომსახურების“ მიწოდების შეწყვეტა ამ „ხელშეკრულების“ პირობების შესაბამისად;
- 4.2.4. 30 დღით ადრე წერილობით აცნობოს „მიმწოდებელს“ მისთვის არასასურველი „მომსახურების“ შეზღუდვის ან/და შეწყვეტის შესახებ.
- 4.2.5. აირჩიოს მისთვის სასურველი „მომსახურების“ პაკეტი.
- 4.2.6. შეატყობინოს „მიმწოდებელს“ დაზიანების შესახებ.
- 4.2.7. უზრუნველყოს შესაბამისი პირობები და მაქსიმალურად ხელი შეუწყოს „მიმწოდებელს“ „მომსახურების“ მოსაწყობად აუცილებელი სამუშაოების შესასრულებლად.
- 4.2.8. ჯეროვნად და კეთილსინდისიერად შეასრულოს ამ „ხელშეკრულებით“ ნაკისრი ვალდებულებები.
- 4.3. **„მიმწოდებელი“ უფლებამოსილია:**
- 4.3.1. მოსთხოვოს „მიმწოდებელს“ „მომსახურების ღირებულების“ გადახდა და „ხელშეკრულებით“ გათვალისწინებული ვალდებულებების დროული და ჯეროვანი შესრულება.
- 4.3.2. „მიმწოდებლის“ მიერ „ხელშეკრულების“ 4.2.2. და 4.2.3. პუნქტებით განსაზღვრული პირობის გამოუყენებლობის შემთხვევაში, მოსთხოვოს „მიმწოდებელს“ მიღებული „მომსახურების“ საფასურის გადახდა და მის დადგენილ ვადაში გადაუხდელობის შემთხვევაში, „ხელშეკრულების“ შესაბამისად განახორციელოს „მომსახურების“ შეზღუდვა ან/და შეწყვეტა.
- 4.3.3. „მიმწოდებლის“ მიერ 4.2.7 პუნქტით განსაზღვრული ვალდებულების შეუსრულებლობის შემთხვევაში ცალმხრივად შეწყვიტოს წინამდებარე „ხელშეკრულება“.
- 4.3.4. გამოიყენოს კანონმდებლობით მისთვის მინიჭებული უფლებები.
- 4.4. **„შემსყიდველი“ უფლებამოსილია:**
- 4.4.1. „შემსყიდველი“ 30 დღით ადრე გაკეთებული წერილობითი შეყობინების საფუძველზე შეწყვიტოს წინამდებარე „ხელშეკრულება“;
- 4.4.2. მოსთხოვოს „მიმწოდებელს“ „ხელშეკრულებით“ გათვალისწინებული ვალდებულებების ჯეროვნად შესრულება;
- 4.4.3. გამოიყენოს კანონმდებლობით მისთვის მინიჭებული უფლებები.

5. „მომსახურების“ მიწოდების შეზღუდვისა და შეწყვეტის პირობები

- 5.1. „მიმწოდებლის“ მიერ „მომსახურების ღირებულების“ დადგენილ ვადაში გადაუხდელობის შემთხვევაში, „მიმწოდებელი“ უფლებამოსილია შეუზღუდოს ან/და შეუწყვიტოს „შემსყიდველს“ „მომსახურება“ ელექტრონული კომუნიკაციების სფეროში მომსახურების მიწოდებისა და მომხმარებელთა უფლებების დაცვის შესახებ „რეგლამენტის“ (შემდგომში „რეგლამენტი“) შესაბამისად.
- 5.2. ნებისმიერი „მხარე“ უფლებამოსილია შეწყვიტოს წინამდებარე „ხელშეკრულება“ 30 დღით ადრე გაკეთებული წერილობითი შეტყობინების საფუძველზე, თუ მეორე „მხარე“ მნიშვნელოვნად არღვევს ამ „ხელშეკრულების“ პირობებს და თუკი ამგვარი დარღვევა არ გამოსწორდება „მხარის“ მიერ მეორე „მხარისათვის“ შეტყობინების გაგზავნიდან 30 დღის განმავლობაში.
- 5.3. ნებისმიერი „მხარე“ უფლებამოსილია შეწყვიტოს წინამდებარე „ხელშეკრულება“ იმ შემთხვევაში თუ ა) „მხარე“ გახდება გადახდისუნარიო და ბ) „მხარის“ მიმართ აღიძვრება გაკოტრების ან/და ლიკვიდაციის პროცედურა.
- 5.4. წინამდებარე „ხელშეკრულების“ ნებისმიერი მიზეზით შეწყვეტისას „შემსყიდველი“ ვალდებულია 30 დღის განმავლობაში სრულად აუნაზღაუროს „მიმწოდებელს“ მის მიერ მიღებული „მომსახურების“ ღირებულება.

6. დაზიანების აღმოფხვრის პირობები და ვადები,

„მომსახურებასთან“ დაკავშირებული საჩივრებისა და პრეტენზიების განხილვა

დაზიანების აღმოფხვრა და „მომსახურებასთან“ დაკავშირებული საჩივრებისა და პრეტენზიების განხილვა ხორციელდება „რეგლამენტში“ მოცემული ვადების და პირობების შესაბამისად.

7. მხარეთა პასუხისმგებლობა

- 7.1. მიუხედავად ამ „ხელშეკრულების“ სხვა დებულებებისა, „მხარეები“ თანხმდებიან, რომ „კომპანიის“ პასუხისმგებლობის (რაც ყოველგვარი შეზღუდვის გარეშე მოიცავს, პირდაპირ თუ არაპირდაპირ ზიანს, ზარალს ან/და პასუხისმგებლობას) მაქსიმალური ოდენობა „შემსყიდველის“ წინაშე განისაზღვრება ამ „ხელშეკრულებით“ განსაზღვრული „მომსახურების“ 12 თვის ღირებულებით.
- 7.2. „მიმწოდებელი“ არ ეკისრება არანაირი პასუხისმგებლობა „მიმ“ მიერ „მომსახურების“ ან/და „ტექნიკური საშუალებების“ მეშვეობით მიღებულ ან/და გაგზავნილ (გატარებულ) ინფორმაციაზე/მასალაზე.
- 7.3. „მხარეები“ თავისუფლდებიან პასუხისმგებლობისგან ამ „ხელშეკრულებით“ გათვალისწინებული ვალდებულებების შეუსრულებლობისთვის ან არაჯეროვანი შესრულებისთვის, თუ აღნიშნული შეუსრულებლობა/არაჯეროვანი შესრულება გამოწვეული იყო დაუძლეველი ძალით/გარემოებებით, რომელთა დადგომისას/არსებობისას „მხარე“,



მისგან დამოუკიდებელი მიზეზების გამო, მოკლებული იყო შესაძლებლობას შეესრულებინა/ჯეროვნად შეესრულებინა ამ „ხელშეკრულებით“ გათვალისწინებული ვალდებულებები. აღნიშნულ დაუძლეველ გარემოებებს განეკუთვნება (მაგრამ არ შემოიფარგლება): ყველა სახის სტიქიური უბედურება მიწისძვრა, წყალდიდობა, ქარიშხალი, ქარბუქი და სხვა, ეპიდემია, პანდემია, სამოქალაქო არეულობა, აჯანყება, გაფიცვა, საბოტაჟი, ბლოკადა, საომარი მოქმედება, სამოქალაქო ომი, ომი, საჰაერო საგნის ზემოქმედება, საქართველოს კანონმდებლობაში მომხდარი ცვლილებები, „კომპანიის“ ავარიული სიტუაცია, თუ ეს ავარიული სიტუაცია შეიქმნა „კომპანიისგან“ დამოუკიდებელი მიზეზების გამო და სხვა (მესამე პირის ბრალეული ქმედება და სხვა) (ფორს-მაჟორული გარემოებები).

8. ტექნიკური საშუალებების გადაცემა და მათი გამოყენების წესი

- 8.1. „მიმწოდებელმა“ შესაძლოა მისი ამ „ხელშეკრულებით“ (შესაბამისი დანართებით) გათვალისწინებული ვალდებულებების შესრულების მიზნებისთვის „მიმწოდებელმა“ დროებით სარგებლობაში გადასცეს ტექნიკური საშუალებები (შემდგომში „ტექნიკური საშუალებები“) და უზრუნველყოს ტექნიკური საშუალებების სათანადო მონტაჟი შემსყიდველთან.
- 8.2. „ტექნიკური საშუალებების“ შემსყიდველისათვის დროებით სარგებლობაში გადაცემა ხორციელდება და დასტურდება შესაბამის მიღება-ჩაბარების აქტზე (შემდგომში „მიღება-ჩაბარების აქტი“) მხარეთა ხელმოწერით. „მიღება-ჩაბარების აქტში“ აღნიშნული იქნება „ტექნიკური საშუალებების“ დასახელება. „ტექნიკური საშუალებების“ „მიმწოდებლისთვის“ გადაცემისას, „მიმწოდებელს“ ჩაუტარდება „ტექნიკური საშუალებების“ სათანადო გამოყენების (ექსპლუატაციის) ინსტრუქტაჟი. „მიღება-ჩაბარების აქტზე“ შემსყიდველის ხელმოწერა ადასტურებს, რომ:
- (I) „შემსყიდველს“ გადაეცა ტექნიკური საშუალებები ნივთობრივად უნაკლო მდგომარეობაში;
 - (II) „შემსყიდველისათვის“ დამონტაჟდა „ტექნიკური საშუალებები“ და ისინი გამართულად მუშაობენ; და
 - (III) „აზონენტს“ ჩაუტარდა „ტექნიკური საშუალებების“ სათანადო გამოყენების (ექსპლუატაციის) ინსტრუქტაჟი და რომ „შემსყიდველმა“ გაიგო და ზუსტად იცის „ტექნიკური საშუალებების“ სათანადო გამოყენების (ექსპლუატაციის) წესები.
- 8.3. წინამდებარე „ხელშეკრულებაზე“ ხელმოწერით „მხარეები“ ადასტურებენ, რომ „ტექნიკური საშუალებები წარმოადგენენ „შემსყიდველის“ საკუთრებას. ამ ხელშეკრულების ნებისმიერი მიზეზით მოშლის ან მისი მოქმედების სხვაგვარი შეწყვეტის შემთხვევაში, „შემსყიდველის“ ვალდებულია დაუბრუნოს „მიმწოდებელი“ „ტექნიკური საშუალებები“ ამ „ხელშეკრულების“ მოქმედების შეწყვეტიდან 7 (შვიდი) სამუშაო დღის განმავლობაში, რაზედაც „მხარეთა“ მიერ ხელი მოეწერება შესაბამის მიღება-ჩაბარების აქტს. „ტექნიკური საშუალებების“ „მიმწოდებლისაგან“ მიღებამდე, „მიმწოდებელი“ ამოწმებს „ტექნიკურ საშუალებებს“ და თუ „მიმწოდებელს“ გაუჩნდება რაიმე პრეტენზია „ტექნიკური საშუალებების“ მდგომარეობის (დაზიანება/განადგურება) გამო (ტექნიკური საშუალებების სათანადო გამოყენებით (ექსპლუატაციით) გამოწვეული ცვეთის გათვალისწინებით), „შემსყიდველი“ ვალდებულია „მიმწოდებელი“ გადაუხადოს ჯარიმა „ტექნიკური საშუალებების“ გადაცემის მიღება-ჩაბარების აქტში მითითებული „ტექნიკური საშუალებების“ ღირებულების ოდენობით (შემდგომში „ტექნიკური საშუალებების ჯარიმა“). იმ შემთხვევაში თუ ამ „ხელშეკრულების“ მოშლის ან მისი მოქმედების სხვაგვარი შეწყვეტის შემთხვევაში, „მიმწოდებელს“ არ დაუბრუნებს მიმწოდებელი „ტექნიკურ საშუალებებს“ ამ „ხელშეკრულების“ მოქმედების შეწყვეტიდან 7 (შვიდი) სამუშაო დღის განმავლობაში, ჩაითვლება, რომ „ტექნიკური საშუალებები“ განადგურებული ან დაკარგულია და „შემსყიდველი“ ვალდებულია „მიმწოდებელს“ გადაუხადოს „ტექნიკური საშუალებების ჯარიმა“. ამასთანავე „მხარეები“ თანხმდებიან, რომ „ტექნიკური საშუალებების ჯარიმის“ გადახდა არ ათავისუფლებს „შემსყიდველს“ „ტექნიკური საშუალებების“ „მიმწოდებლისათვის“ დაბრუნების ვალდებულებისაგან.

9. საინფორმაციო უზრუნველყოფა, ცვლილებების შეტანა და მარეგულირებელი კანონმდებლობა

- 9.1. „შემსყიდველს“ „მომსახურებასთან“ დაკავშირებული საკითხების გასარკვევად და შესაბამისი ინფორმაციების მისაღებად შეუძლია დაუკავშირდეს „კომპანიის“ ცხელ ხაზს (100 200).
- 9.2. „ხელშეკრულებაში“ ან/და მომსახურების წესში, ასევე ტარიფების ცვლილებები ხორციელდება „კომპანიის“ მიერ ერთპიროვნულად და ცალმხრივად. ცვლილებები ძალაშია მისი საჯარო გამოცხადებიდან ან/და „შემსყიდველისათვის“ შეტყობინებიდან 10 (ათი) სამუშაო დღის შემდეგ. თუ „მიმწოდებელი“ არ ეთანხმება ახალ პირობებს, მას უფლება აქვს აღნიშნული 10 (ათი) დღის განმავლობაში მოშალოს „ხელშეკრულება“. აღნიშნულ ვადაში, „მიმწოდებლის“ წერილობითი უარის მიუღებლობა ჩაითვლება „შემსყიდველს“ აქცეპტად და წინამდებარე „ხელშეკრულება“ გაგრძელდება ახალი (შეცვლილი) პირობებით.
- 9.3. წინამდებარე „ხელშეკრულება“ რეგულირდება და განიმარტება საქართველოს კანონმდებლობის შესაბამისად.
- 9.4. ამ „ხელშეკრულებასთან“, ან მის ინტერპრეტაციასთან დაკავშირებული ნებისმიერი დავა ან უთანხმოება გადაწყდება „მხარეებს“ შორის მოლაპარაკების გზით.
- 9.5. იმ შემთხვევაში, თუ „ხელშეკრულებასთან“, ან მის ინტერპრეტაციასთან დაკავშირებული დავის ან უთანხმოების გადაწყვეტა ვერ მოხდება „მხარეებს“ შორის ამგვარი დავის ან უთანხმოების წარმოშობიდან 20 (ოცი) დღის განმავლობაში, „მხარეები“ კანონით დადგენილი წესით მიმართავენ სასამართლოს ამასთანავე „მხარეები“



თანხმდებიან, რომ დავასთან დაკავშირებით პირველი ინსტანციის სასამართლოს მიერ „კომპანიის“ სასარგებლოდ მიღებული გადაწყვეტილება მიქცეული იქნება დაუყოვნებლივ აღსასრულებლად.

10. საერთო პირობები

- 10.1. „მომსახურების“ გაწევა ხორციელდება სადემარკაციო წერტილამდე (ანუ იმ ვირტუალურ წერტილამდე, სადაც ხდება მხარეთა პასუხისმგებლობის გამოიჯვანა).
- 10.2. „მიმწოდებელი“ არ არის პასუხისმგებელი შემსყიდველის მიერ ქსელში გადაცემულ ინფორმაციაზე; მომსახურების ხარისხზე, თუ ხარვეზი გამოწვეულია „მიმწოდებლის“ ლოკალური ქსელის გაუმართაობით; ვირუსული პრობლემებით ან/და თუ „შემსყიდველს“ სუბიექტური მოლოდინი და მოთხოვნა აღემატება „ხელშეკრულებით“ განსაზღვრულ „მომსახურების“ ხარისხსა და მახასიათებლებს.
- 10.3. „შემსყიდველი“ აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 10.4. შემსყიდველი აცხადებს და ადასტურებს, რომ გაცნობილია და ეთანხმება კომპანიის მომსახურების წესსა და ტარიფებს;
- 10.5. შემსყიდველი თანხმობას აცხადებს მის მიერ მითითებული პერსონალური მონაცემები შეყვანილ იქნას კომპანიის მონაცემთა ბაზაში;
- 10.6. თუკი სხვაგვარად არ არის განსაზღვრული შესაბამისი „მომსახურების“ დანართით, ამ ხელშეკრულებით შემსყიდველი ყიდულობს „მომსახურებას“ და მას საკუთრებაში არ გადაეცემა რაიმე ტექნიკური მოწყობილობა ან/და ნივთი, მათ შორის, ნუმერაციის რესურსი (ტელეფონის ნომერი), რომლის სარგებლობის უფლების მინიჭებაც ხდება შემსყიდველისათვის;
- 10.7. ახალი ან/და გაფართოებული „მომსახურების“ გაწევის შესახებ „მიმწოდებელს“ და „შემსყიდველს“ შორის იდება დამატებითი ხელშეკრულება ან/და ფორმდება შესაბამისი „მომსახურების“ დანართი.
- 10.8. წინამდებარე ხელშეკრულების ყველა დანართი წარმოადგენს ხელშეკრულების განუყოფელ ნაწილს და მოქმედებს მასთან ერთად.
- 10.9. ხელშეკრულება შედგენილია ქართულ ენაზე ორ ეგზემპლარად და გადაეცემატ მხარეებს.

მიმწოდებელი: ს.ს. „სილქნეტი“

მისამართი: თბილისი, წინამძღვრიშვილის ქ. N: 95
საიდენტიფიკაციო კოდი: 204566978
ბანკი: „საქართველოს ბანკი“
ბანკის კოდი: BAGAGE22
საანგარიშსწორებო ანგარიშის N:GE41BG000000878415000

შემსყიდველი: სსიპ ლევან საყვერელიძის დაავადებათა
კონტროლის და საზოგადოებრივი ჯანმრთელობის
ეროვნული ცენტრი
მისამართი: თბილისი, ასათიანის N9
საიდენტიფიკაციო კოდი: 211324351
ბანკი:სახელმწიფო ხაზინა
ბანკის კოდი:TRESGE22
საანგარიშსწორებო ანგარიშის N:200122900

აბონენტთა მომსახურების
დეპარტამენტის დირექტორი

ალექსანდრა ჩიქავა



გენერალური დირექტორი

ნატო ავალიანი



დანართი 1

მომსახურების ტარიფები (დღგ-ს ჩათვლით)

No	მომსახურება	მისამართი	ყოველთვიური საბონეტო გადასახადი
1	SILK TV პაკეტი „სტანდარტი“ – 1ცალი	ქ. თბილისი , ინგოროყვას ქ. #7	30.00 ლარი

- აბონენტს დროებით სარგებლობაში გადაეცემა 1 (ერთი) STB (დეკოდერი) „სილქნეტთან“ გაფორმებული ხელშეკრულების მოქმედების პერიოდში. ნებისმიერი მიზეზით ხელშეკრულების გაუქმების შემთხვევაში, აბონენტი ვალდებულია აღნიშნული მოწყობილობა დაუბრუნოს სს „სილქნეტს“ 7 (შვიდი) სამუშაო დღის ვადაში მუშა მდგომარეობაში დეფექტების გარეშე, წინააღმდეგ შემთხვევაში აბონენტი თანახმაა აუნაზღაუროს მოწყობილობის ღირებულება, რაც შეადგენს 230.00 ლარს.


მიმწოდებელი: ს.ს. „სილქნეტი“

მისამართი: თბილისი, წინამძღვრიშვილის ქ. N: 95
საიდენტიფიკაციო კოდი: 204566978
ბანკი: „საქართველოს ბანკი“
ბანკის კოდი: BAGAGE22
საანგარიშსწორებო ანგარიშის N:GE41BG000000878415000

შემსყიდველი: სსიპ ლევან საყვერელიძის დაავადებათა კონტროლის და საზოგადოებრივი ჯანმრთელობის ეროვნული ცენტრი

მისამართი: თბილისი, ასათიანის N9
საიდენტიფიკაციო კოდი: 211324351
ბანკი:სახელმწიფო ხაზინა
ბანკის კოდი:TRESGE22
საანგარიშსწორებო ანგარიშის N:200122900

აბონენტთა მომსახურების
დეპარტამენტის დირექტორი
ალექსანდრა ჩიქავა



გენერალური დირექტორი

ნატო ავალიანი

